

VODIČ ZA BUDUĆE
VLASNIKE PASA



**Sve što
trebate znati
kada nabavljate psa**



Imati psa je prelijepo iskustvo puno zadovoljstva, ali prije nego što odlučite da nabavite ovog ljubimca, jako je važno uzeti u obzir nekoliko stvari.



Svi ukućani moraju biti saglasni

🐾 Prije svega, najvažnije je da budete sigurni da su svi članovi domaćinstva saglasni sa vašom odlukom da nabavite psa.

Nemojte nabaviti psa samo djeci



🐾 Ako ste roditelj koji razmatra da nabavi psa jer ga djeca žele, trebate znati da je odrastanje sa psom izuzetno dobro za njihov razvoj, jer ih ovo iskustvo uči da budu odgovorni, više empatični, da razumiju i prihvate drukčije od sebe, i da cijene raznolikost, a pozitivno djeluje i na izgradnju samopouzdanja.

🐾 Međutim, ne računajte na to da će vaše dijete preuzeti punu brigu za ljubimca. Djeca mogu biti od velike pomoći i imati mnogo zaduženja, ali samo odrasla osoba može preuzeti punu odgovornost za brigu o psu i njegove potrebe.





Imati psa donosi mnogo radosti, ali je i velika odgovornost

🐾 Nabaviti psa također znači dugoročnu obavezanost, 10, 15, a u nekim slučajevima i do 20 godina. Kada dobijete ljubimca, to zahtijeva da mu osigurate sve što mu je potrebno, uključujući kvalitetnu i zdravu hranu, frišku vodu, prozračno mjesto boravka adekvatne temperature, obuku, veterinarsku skrb i preglede, a kada je potrebno i liječenje, zatim, posvećenost, vrijeme, volju, strpljenje i ljubav. U psu ćete dobiti najodanijeg i jako zahvalnog prijatelja, ali pri donošenju odluke, trebate imati na umu da će vam za brigu o njemu biti potrebna i finansijska sredstva.

Obavezno potražite savjet stručnjaka

🐾 Kada ste potpuno sigurni da ste spremni za odgovornost za još jedno živo biće, ključno je potražiti savjet stručnjaka kako biste izabrali psa koji vam najviše odgovara. Stručnjak će uporediti vaš životni stil i mogućnosti sa potrebama i karakterom psa, i posavjetovati vas kojeg psa da odaberete da oboje budete sretni. Ako npr. imate opušten i ne tako aktivan životni stil, ne biste trebali nabaviti vrlo aktivnog psa, bez obzira na to koliko vam se pas sviđa.

Mirza



Ensar



Mufid



Treneri za obuku pasa u Dogs Trust Školi za pse



Razmotrite udomljavanje

Moj sretni
DOM

🐾 Mi se nadamo da ćete se odlučiti da umjesto kupovine, udomite psa. Obavezno na našoj stranici www.dogstrust.ba pogledajte više o tome kako vam možemo pomoći kroz naš **Program fostering udomljavanja!**

🐾 Kada udomite psa u našem programu, dobit ćete inteligentnog, jedinstvenog i zahvalnog ljubimca, a pri tome ćete biti zadovoljni sa sobom jer ste nekome **spasili život!**

🐾 Uz Dogs Trust ćete dobiti stručni savjet da izaberete psa koji je **baš za vas!**

🐾 Potrebe psa kojeg povedete kući će već biti evaluirane, kao i njegov karakter; vaš novi ljubimac će već biti **steriliziran, vakcinisan i očišćen od parazita, te okupan i čist.**

🐾 Pas iz Dogs Trust Programa udomljavanja će već imati iskustvo sa životom u domu svog privremenog **vlasnika /fostering volontera** i već će steći neke važne navike.



Ako i pored svih prednosti udomljavanja ipak želite kupiti svoju omiljenu pasminu psa

- 🐾 Ako odlučite da ipak kupite psa svoje omiljene pasmine, to je uredu, ali vrijede ista gore spomenuta pravila.
- 🐾 **U tom slučaju, obavezno se pobrinite da psa kupite isključivo od pouzdanog, registriranog uzgajivača.**
- 🐾 Nažalost, priče pasa iz uzgajivačnica nisu uvijek sretno; mnogo psića koji su na prodaju nisu uzgojeni u skladu sa propisima što može imati dugoročan rizik za izazovno ponašanje koje može biti izazvano problemima sa zdravljem i lošim iskustvima. **Neki od takvih psića, nažalost, neće ni dugo živjeti.**
- 🐾 Ako se bilo šta od ovoga desi, to vama i vašoj porodici može slomiti srce, ali i staviti vas u loš finansijski položaj.



Bolje je spasiti jedan život i udomiti, ali ako ipak odlučite da psa kupite, uradite to odgovorno!

Ovo su znakovi za uzbunu na koje trebate obratiti pažnju kada kupujete psa, posebno ako to radite online:

- ❗ Ne postoje video klipovi „vašeg“ psića kako se druži sa svojom braćom i sestrama, i mamom.
- ❗ Ne postoji fotografija psića sa majkom, ali možda postoje samo odvojene fotografije.
- ❗ Oglas tvrdi da je pas uvezen iz inostranstva, ali on je star manje od 15 sedmica.
- ❗ Isti uzgajivač na oglasu nudi različite pasmine.
- ❗ Prodavač nudi da vam psića dostavi do vašeg mjesta boravka ili negdje na sredini puta, i ne ohrabruje vas da po njega dođete na mjesto gdje je rođen.
- ❗ Prodavač tvrdi da pas ima legitimnu rodovnicu i pasoš, ali vam ih ne pokazuje.
- ❗ Kontakti istog prodavača / uzgajivača su na više oglasa.





ZAPAMTITE:

- ✿ Uvijek provjerite kako se pas odnosi prema majci i drugim psićima u leglu.
- ✿ Ako je moguće, posjetite psića više puta prije nego što donesete konačnu odluku.
- ✿ Nikada ne plaćajte depozit.
- ✿ Pitajte sve što želite da znate i insistirajte da vidite bar najvažnije dokumente koji sadrže informacije o psiću, njegovim roditeljima, uzgajivaču, zdravlju i prehrani.
- ✿ Očekujte da će i vas dobar uzgajivač pitati mnogo toga, jer on želi da se pobrine da pas iz njegove uzgajivačnice ide u dom koji će mu pružiti adekvatnu brigu.

Jeste li znali da su mješanci često otporniji na bolesti, da nemaju predispoziciju za genetske poremećaje koje imaju neki rasni psi, da su veoma inteligentni, a da ne spominjemo to da su potpuno jedinstveni, baš kao i svako od nas! Naše iskustvo pokazuje da su spašeni mješanci također i jako zahvalni, jer kao da znaju da ste im baš vi spasili život! Ovakvi psi su i vrlo prilagodljivi, a uz pozitivnu motivaciju, pohvalu i poslastice, jako brzo mogu biti obučeni.



**Prijatelj
za život**

cijeli!



**Udomite psa u Dogs Trust Programu fostering udomljavanja!
Saznajte više na www.dogstrust.ba/udomljavanje**